



«09» օգոստոսի 2023թ.

Ք. Երևան

Որոշում N 1303

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

ՀՀ առողջապահական և աշխատանքի տեսչական մարմնի (այսուհետ՝ Տեսչական մարմին) ղեկավարի տեղակալ Սլավիկ Սարգսյանս ուսումնասիրելով.

1. ՀՀ պետական եկամուտների կոմիտեի կողմից ստացված 2023 թվականի հունիսի 15-ի թիվ 01/14-7/36065-2023 գրությունը,
2. ՀՀ առողջապահության նախարարությանը ուղղված 2023 թվականի հունիսի 21-ի թիվ 06/13852-2023 գրությունը,
3. ՀՀ առողջապահության նախարարության կողմից ստացված 2023 թվականի հունիսի 27-ի թիվ ԱԱ/22.2/14890-2023 գրությունը,
4. 2023 թվականի հուլիսի 07-ի թիվ 06/15121-2023 (փոստային առաքանի՝ LO110273122AM, հետադարձ՝ ALO110273122AM, 20.07.2023թ.) և 2023 թվականի հուլիսի 19-ի թիվ 06/15953-2023 (ծանուցվել է առձեռն) «Վարչական իրավախախտումների վերաբերյալ արձանագրության կազմմանը հրավիրելու մասին» ծանուցագրերը,
5. 2023 թվականի հուլիսի 27-ի թիվ 1299 «Վարչական իրավախախտման վերաբերյալ» արձանագրությունը (փոստային առաքանի՝ LO110545559AM, հետադարձ՝ ALO110545559AM, 29.07.2023թ.),
6. 2023 թվականի հուլիսի 27-ի թիվ 06/16686-2023 վարչական իրավախախտման վերաբերյալ գործի քննությանը հրավիրելու մասին ծանուցագիրը (փոստային առաքանի՝ LO110545559AM, հետադարձ՝ ALO110545559AM, 29.07.2023թ.),

Պարզեցի

Նկարագրական մաս

ք. Երևան, Մամիկոնյանց 2 հասցեում գործող «ԼԻՎԱՖԱՐՄ» ՍՊ ընկերությանը (այսուհետ՝ Ընկերություն) (ՀՎՀՀ՝ 00062586) պատկանող դեղատնից ՀՀ պետական եկամուտների կոմիտեի կողմից 2023 թվականի հունիսի 13-ին հսկիչ գնմամբ ձեռք է բերվել «OZEMPIK» տեսակի (պիտանելիության ժամկետը 12.2025թ., սերիա՝ NP5F732 առանց դրոշմապիտակի) 1 փաթեթ դեղը (հիմք՝ ՀՀ ՊԵԿ թիվ 01/14-7/36065-2023 առ 15.06.2023թ. գրություն), որը 2023 թվականի հունիսի 16-ին գույքի հանձնման-ընդունման արձանագրությամբ տրամադրվել է տեսչական մարմնին: Վերոնշյալ դեղը Տեսչական մարմնի կողմից 2023 թվականի հունիսի 21-ի թիվ 06/13852-2023 գրությամբ ուղարկվել է ՀՀ առողջապահության նախարարություն՝ փոխօգնության կարգով տվյալ դեղի՝ Հայաստանի Հանրապետությունում գրանցված և/կամ օրինական ներմուծված լինելու վերաբերյալ տեղեկատվություն ստանալու նպատակով: ՀՀ առողջապահության նախարարության կողմից 2023 թվականի հունիսի 27-ի թիվ ԱԱ/22.2/14890-2023 գրությամբ ստացված տեղեկատվության համաձայն «ՕԶԵՄՊԻԿ» անվանումով **դեղ գրանցված չէ** ՀՀ-ում: Վերոնշյալ դեղի՝ NP5F732 սերիայի (պիտանելիության ժամկետը՝ 12.2025) վերաբերյալ որևէ տեղեկատվություն առկա չէ «Ակադեմիկոս Էմիլ Գաբրիելյանի անվան դեղերի և բժշկական տեխնոլոգիաների փորձագիտական կենտրոն» փակ բաժնետիրական ընկերության ներմուծման փորձաքննության տվյալների բազայում:

Փաստական տվյալների վերլուծության և համադրման արդյունքում պարզվել է, որ խախտվել է «Դեղերի մասին» ՀՀ օրենքի 23-րդ հոդվածի 2-րդ մասով սահմանված պահանջի պահպանումը, մասնավորապես իրացվել է Հայաստանի Հանրապետությունում չգրանցված դեղ:

Հիմք ընդունելով «Վարչական իրավախախտումների վերաբերյալ» ՀՀ օրենսգրքի 255-րդ հոդվածը, 2023 թվականի հուլիսի 27-ին կազմվել է թիվ 1299 վարչական իրավախախտումների վերաբերյալ արձանագրությունը, որը վարչական իրավախախտումների վերաբերյալ գործի քննության 2023 թվականի հուլիսի 27-ի թիվ 06/16686-2023 ծանուցագրի հետ փոստային առաքմամբ / հետադարձ ծանուցմամբ առաքվել է «ԼԻՎԱՖԱՐՄ» ՍՊ ընկերության տնօրեն Գագիկ

Բոյախչյանին (փոստային առաքանի՝ LO110545559AM, ALO110545559AM, 29.07.2023թ.):

Տեսչական մարմնում (ք. Երևան, Արմենակյան 129) 2023 թվականի օգոստոսի 09-ին ժամը 10:30-ին տեղի է ունեցել վարչական իրավախախտման վերաբերյալ գործի քննություն, որին պատշաճ կարգով ծանուցված Գագիկ Բոյախչյանը կամ իր կողմից լիազորված անձը չի ներկայացել: Վերջինս չի ներկայացրել միջնորդություն գործի քննությունը հետաձգելու մասին:

Պատճառաբանական մաս

«Դեղերի մասին» ՀՀ օրենքի 23-րդ հոդվածի 2-րդ մասի համաձայն՝ «Արգելվում է իրացնել Հայաստանի Հանրապետությունում չգրանցված կամ որակի պահանջներին չհամապատասխանող կամ պիտանիության ժամկետն անցած կամ գրանցումն ուժը կորցրած ճանաչված կամ գրանցումը կասեցված կամ շրջանառությունը դադարեցված (հետ կանչված), Հայաստանի Հանրապետության օրենսդրության խախտմամբ ներմուծված դեղերը, կեղծ դեղերը, դեղանյութերը, դեղաբուսական հումքը, հետազոտվող դեղագործական արտադրանքը»:

Վերլուծելով վերոգրյալ նորմը և ուսումնասիրելով գործում առկա նյութերը, վարչական մարմինը հաստատված է համարում, որ Գագիկ Բոյախչյանի կողմից խախտվել է «Դեղերի մասին» ՀՀ օրենքի 23-րդ հոդվածի 2-րդ մասով սահմանված պահանջի պահպանումը, մասնավորապես իրացվել է Հայաստանի Հանրապետությունում չգրանցված դեղ (հիմք՝ 2023 թվականի հուլիսի 27-ի «Վարչական իրավախախտումների վերաբերյալ» թիվ 1299 արձանագրություն):

«Վարչական իրավախախտումների վերաբերյալ» ՀՀ օրենսգրքի 267-րդ հոդվածի համաձայն՝ վարչական իրավախախտման վերաբերյալ գործը քննվում է վարչական պատասխանատվության ենթարկվող անձի ներկայությամբ: Գործը կարող է այդ անձի բացակայությամբ քննվել միայն այն դեպքերում, երբ տվյալներ կան գործի քննության տեղի և ժամանակի մասին նրան ժամանակին ծանուցելու վերաբերյալ և եթե նրանից միջնորդություն չի ստացվել գործի քննությունը հետաձգելու մասին: Վարչական իրավախախտման վերաբերյալ 2023 թվականի օգոստոսի 09-ին կայացած գործի քննությանը պատշաճ կարգով ծանուցված Գագիկ

Բոյախցյանը կամ իր կողմից լիազորված անձը չի ներկայացել և չի ներկայացրել միջնորդություն գործի քննությունը հետաձգելու մասին:

Վարչական իրավախախտումների վերաբերյալ գործի քննության արդյունքում վարչական մարմինը, քննելով գործում առկա բոլոր փաստական հանգամանքները, հաստատված է համարում, որ կատարվել է վարչական իրավախախտում, որի համար պատասխանատու է Գագիկ Բոյախցյանը (հասցե՝ ք. Երևան, Արաբկիր, Մամիկոնյանց 2, անձնագրային տվյալներ՝ AK0408930 տրված՝ 14.12.2009 001-ի կողմից):

Վերջինիս կողմից վարչական իրավախախտում կատարելու մեջ առկա չեն «Վարչական իրավախախտումների վերաբերյալ» ՀՀ օրենսգրքի 33-րդ և 34-րդ հոդվածներով սահմանված վարչական պատասխանատվությունը մեղմացնող և ծանրացնող հանգամանքներ:

«Վարչական իրավախախտումների վերաբերյալ» ՀՀ օրենսգրքի 9-րդ հոդվածի համաձայն՝ վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն: Նշված իրավանորմից հետևում է, որ օրենսդիրը վարչական իրավախախտման առկայության հիմքում դրել է մեղքի առկայությունը, որը կարող է դրսևորվել դիտավորությամբ կամ անզգուշությամբ:

Վարչական մարմինը գտնում է, որ Գագիկ Բոյախցյանի կողմից իրավախախտումը կատարվել է անզգուշությամբ:

«Վարչական իրավախախտումների վերաբերյալ» ՀՀ օրենսգրքի 11-րդ հոդվածի համաձայն՝ վարչական իրավախախտումը համարվում է անզգուշությամբ կատարված, եթե այն կատարած անձը կանխատեսել է իր գործողության կամ անգործության վնասակար հետևանքների առաջացման հնարավորությունը, բայց թեթևամտորեն հույս է ունեցել կանխելու դրանք կամ չի կանխատեսել այդպիսի հետևանքներ առաջանալու հնարավորությունները, թեև պարտավոր էր և կարող էր կանխատեսել դրանք:

«Վարչական իրավախախտումների վերաբերյալ» ՀՀ օրենսգրքի 14-րդ հոդվածի համաձայն՝ պաշտոնատար անձինք ենթակա են վարչական պատասխանատվության այնպիսի վարչական իրավախախտումների համար, որոնք կապված են կառավարման կարգի, պետական ու հասարակական կարգի, բնության, բնակչության առողջության պահպանության ոլորտում սահմանված կանոնները և մյուս այն կանոնները չպահպանելու հետ, որոնց կատարման ապահովումը մտնում է նրանց պաշտոնական պարտականությունների մեջ: Նշված հոդվածից հետևում է, որ Գագիկ Բոյախյանը ՀՀ օրենսդրությամբ սահմանված կարգով քաղաքացիաիրավական և վարչաիրավական հարաբերություններում հանդես է գալիս որպես ընկերության տնօրեն՝ պաշտոնատար անձ:

«Վարչական իրավախախտումների վերաբերյալ Հայաստանի Հանրապետության ՀՀ օրենսգրքի 47.3-րդ հոդվածի 1-ին մասի համաձայն՝

«Հայաստանի Հանրապետությունում չգրանցված (բացառությամբ Հայաստանի Հանրապետության օրենսդրությամբ սահմանված դեպքերի) կամ գրանցումն օրենքով սահմանված կարգով կասեցված կամ օրենքի խախտմամբ դեղեր ներմուծելը կամ արտադրելը կամ պահպանելը կամ բաշխելը կամ իրացնելը՝

առաջացնում է տուգանքի նշանակում՝ յուրաքանչյուր անվանմամբ դեղի՝

1) մինչև 5 դեղի փաթեթի դեպքում՝ սահմանված նվազագույն աշխատավարձի հազարապատիկի չափով.

2) 5-ից ավելի դեղի փաթեթի դեպքում՝ սահմանված նվազագույն աշխատավարձի երկուհազարապատիկի չափով»:

Եզրափակիչ մաս

Ղեկավարվելով «Վարչական իրավախախտումների վերաբերյալ» ՀՀ օրենսգրքի 230, 279, 281, 283-րդ հոդվածներով, և 282-րդ հոդվածի 1-ին մասով՝

Որոշեցի

1. Գագիկ Բոյախյանին (հասցե՝ ք. Երևան, Արաբկիր, Մամիկոնյանց 2, անձնագրային տվյալներ՝ AK0408930 տրված՝ 14.12.2009 001-ի կողմից)՝ որպես

խախտում թույլ տված անձի, «Դեղերի մասին» ՀՀ օրենքի 23-րդ հոդվածի 2-րդ մասով սահմանված պահանջը խախտելու համար.

«Վարչական իրավախախտումների վերաբերյալ» ՀՀ օրենսգրքի 47.3 հոդվածի 1-ին մասի 1-ին կետի պահանջով, չգրանցված «ՕՋԵՊԻԿ, սերիա՝ NP5F732, պիտանելիության ժամկետ՝ 12.2025թ., առանց դրոշմապիտակի - 1 փաթեթ» դեղի իրացման համար ենթարկել վարչական տույժի՝ յուրաքանչյուր անվանմամբ դեղի համար սահմանված նվազագույն աշխատավարձի հազարապատիկի չափով՝ 1 (մեկ) անվանում դեղի համար՝ **1.000.000 (մեկ միլիոն) ՀՀ դրամ վարչական տուգանքի:**

2. Սույն որոշումը ծանուցել Գագիկ Բոյախյանին (հասցե՝ ք. Երևան, Արաբկիր, Մամիկոնյանց 2, անձնագրային տվյալներ՝ AK0408930 տրված՝ 14.12.2009 001-ի կողմից):

3. Սույն վարչական ակտն ուժի մեջ է մտնում վարչական վարույթի մասնակցին իրազեկելուն հաջորդող օրվանից:

4. Սույն որոշումը ստանալու օրվանից 30 օրվա ընթացքում կարող է բողոքարկվել ակտն ընդունած Տեսչական մարմին կամ ՀՀ վարչական դատավարության օրենսգրքի 72-րդ հոդվածով սահմանված ժամկետում՝ ՀՀ վարչական դատարան:

5. Իրերի և փաստաթղթերի հարցը լուծվել է:

09.08.2023

X 

ՍԼԱՎԻԿ ՍԱՐԳՍՅԱՆ

Подписано: SARGSYAN SLAVIK 3807890467

ՍԼԱՎԻԿ ՍԱՐԳՍՅԱՆ

Ինձ բացատրվել է, որ համաձայն «Վարչական իրավախախտումների վերաբերյալ» ՀՀ օրենսգրքի 305-րդ հոդվածի 1-ին մասի, տուգանքը պետք է վճարվի տուգանք նշանակելու մասին որոշումը հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում:

Ծանոթություն՝

Իրավախախտման համար կիրառվող տուգանքի վճարման պետքայուցի հաշվի համարը՝ ՀՀ առողջապահական և աշխատանքի տեսչական մարմնի կողմից իրավախախտումների համար կիրառվող տուգանքների և պատժամիջոցների մուտքեր N900005024097:

Որոշումը ստացա _____

(անունը, հայրանունը, ազգանունը, պաշտոնը, ամսաթիվը)

Որոշումը ստանալուց և ստորագրելուց հրաժարվելու մասին նշում _____

Նշում որոշումը պատվիրված փոստով ուղարկելու և ստանալու ծանուցման մասին

(ուղարկելու ամսաթիվը, փոստային առաքանու համարը, փոստային առաքանին հասցեատիրոջը հանձնելու վերաբերյալ
ծանուցագրի համարը)